

## Nowodhow an Seythen

22/07/2008

An governans a vynn degea diw lytherva ha tri-ugens a-hys Kernow.

Henn yw an niver menegys yn rol dyllys an seythen yw passyes.

Yma y'ga mysk lytherva Sen Neot ha Lytherva Poll.

Yth esa nebes erel yn-dann wodros... kepar ha Sen Breward ha Plen an Gwari... byttegyns salow yns del hevel.

Mes lemmyn y klewyn bos towl dhe'n konsel selwel nebes anedha dre worra gonisyow an konsel ynna.

Martesen hemm a via taklow kepar ha tylli toll-an-konsel ha tylli rent.

\*\*

Yma galow dhe lewyoryon jynn-diwros dhe lewya gans moy a rach.

Y teu an gwarnyans wosa lewyer dhe verwel yn droglam ogas dhe Heyl.

Yth esa nebonan aral shyndyes yn skwatt ynter naw vehicle... dhe Woon Loggan war an A-deg-warn-ugens.

\*\*

Nessa... etek mil hanow veu kuntellys yn unn grodhvolas erbynn towl dhe worra tus gans kanker dhe Aberplymm.

Dyghtyes yns y'n eur ma dhe Drelesk... byttegyns an governans a vynn gul Kresen a Vrintyneth orth Derriford.

Yma kaskyrgh ow tevi wosa kaderyer an Trest NHS dhe asa y soodh y'n seythen yw passyes.

Ev a grys bos bleyn an menydh-rew.

\*\*

Pennseythen vysi a entertainment o yn Kernow.

Lies artydh popp a dheuth dhe Dewyn Pleustri rag gig war an Barrowfields.

Yth esa y'ga mysk Sandi Thom ha McFly.

Ha gool arbennik bledhenyek veu synsys dhe Lannyust.

Gool Lafrowda a dennas milyow a dus dhia pub rann a Gernow West.

\*\*

Ha towlen geskusulya war an FSS a dhalleth an seythen ma yn Kammbro.

Yma kuntellyans dhe Gresen an Gemynieth nos Veurth.

Chons yw a dhyski mars eus avonsyans y'n taves wosa bos ervirys an Furrv Skrifva Savonek.

Mar mynnir godhvos moy... y hyllir kavos an kedhlow dhyworth [www.magakernow.org.uk](http://www.magakernow.org.uk)

\*\*

Henn yw oll rag an seythen ma... y fydh moy nessa seythen.